

GIZARTE-ELKARRIZKETARAKO MAHAIA

GIZARTE-ELKARRIZKETA ERAKUNDETZeko ESPARRU BAT KONFIGURATU BEHARRARI BURUZKO ADIERAZPENA

Gizarte Elkarrizketarako Mahaiak, Eusko Jaurlaritzako ordezkariak eta Confebask, CCOO (Euskadi) eta UGT (Euskadi) erakunde patronal eta sindikalek, 2016ko uztailaren 22an eginiko saioan, honako adierazpena onetsi du:

GIZARTE-ELKARRIZKETA ERAKUNDETZeko ESPARRU BAT KONFIGURATU BEHARRARI BURUZKO ADIERAZPENA

1.- Errealitate ekonomikoak, ekoizpenarenak, enpresen bilakabideak, teknologia aplikatuko sistemak eta horiek enplegu-kualifikazioetan dituzten ondorioek gero eta bilakabide azkarragoa dute.

Aldaketa horiek ekoizpenaren ehunduran, langileen artean, enpresetan eta, oro har, gizartean bertan dituzten ondorioak aldaketak aurreikusteko eta aldaketen aurrean neurri egokiak hartzeko ahalmenaren araberakoak dira.

Gizarte modernoak hainbat aktoreren (publikoak, pribatuak edo sozialak) interakzioa oinarri hartuta konfiguratzeko dira. Esparru sozioekonomikoan eta soziorabolean, sindikatu- eta enpresa-erakundeek zalantzarik gabeko interes kolektiboko eta publikoko zenbait zeregin dituzte.

Beste alde batetik, gizartearen konplexutasunak botere publikoak eurak bultzatzen ditu elkarrizketarako esparruak bilatzera, erronka eta aukera garaikideak landu ahal izateko.

2.- Lanaren Nazioarteko Erakundeak gaur egun lantzen duen gizarte-elkarrizketaren definizioarekin bat etorriz, botere publikoek gizarte-eragileekin duten harremana gero eta sendoagoa da gizarte demokratikoetan, gobernu onaren alderdi erabakigarri gisa.

Alabaina, erakundeak gizarte-eragileekin biltzeko eta hitz egiteko espazioak "egite hutsez" eratzeak, esparru egonkorrik izan gabe, nabarmen ahultzen du esparru horien artikulazioa eta helburua. Hori dela eta, egitura juridiko egokia behar da, arau baten

bidez bermatzeko erakundeen parte-hartzea; halaber, zereginak edo lan-esparruak bermatu beharko ditu.

Bada, helburu horretarako eta datorren legegintzaldian abian jartzeari begira, Eusko Jaurlaritzak bat dator gizarte-eragileekin: esparru juridiko espezifikoko bat ezartzea komeni da, Jaurlaritzak berak zein Legebiltzarrak emandako arau baten bidez, gizarte-eragileek erakundeetan duten parte-hartzea garatzeko.

Ekimen horretan organo iraunkor bat sortuko litzateke, eta kide izango lituzke Eusko Jaurlaritzako ordezkariak eta erakundeetan parte hartzeko nahia adierazten duten sindikatu- eta enpresa-erakunde garrantzitsuenak.

Erakundeetako parte-hartzea zabaldu egingo da neurri batean esparru soziolaboralean eragiten duten Gobernuaren arloetara; horrenbestez, arlo horietako Sail arduradunen titularrek ere parte hartuko lukete.

Horrela, organo iraunkor nagusian partekatutako planteamenduak bilatzeko eztabaidak sortu ondoren eta, hala bada, dagozkion aholkuak eman ondoren, enplegu-politika aktiboen (Lanbideko Administrazio Kontseilua) eta laneko osasunaren (Osasuneko Kontseilu Nagusia) esparruetan dauden erakunde-fofoetara eramango lirateke, edo hezkuntzaren esparrura (Lanbide Heziketako Euskal Kontseilua).

Hirutariko harremanetarako esparru sektorial formalik ez dagoenean, dagozkion egiturak sortuko dira, erakundeetan parte hartzeko organo iraunkorren eztabaidatu eta erabakiak hartu ahal izateko informazio-fluxuak bideratzeko eta zuzentzeko.

Ikuspegi orokor horrekin bat etorrira, lanbide-heziketa da, gaur-gaurkoz, zeharkako irismena duten eremuen artean eredu integratuak definitzeko eta abiarazteko lehentasuna duenetako bat. Hori dela eta, adierazpen honetan, Eusko Jaurlaritzak (datorren legegintzaldian ardura hori badu eta, hala bada, gobernuan dagoen alderdi politikoak) hitzematen du datorren legegintzaldiaren hasieran Lanbide Heziketaren inguruko lege-proiektu bat aurkeztuko duela, legegintzaldi honetan Jaurlaritzak onetsitako eta Legebiltzarrari aurkeztutako proiektuaren ildoan. Lege-proiektu horretan zuzendaritza politiko bakar bat aurreikusten da, lanbide-heziketa guztia koordinatzeko (enplegurako lanbide-heziketa zein lanbide-heziketa arautua izan), ekintza eta proiektuen koherentzia bermatzeko.

3.- Gizarte Elkarrizketarako Mahaia osatzen duten gizarte-eragile guztiei helarazi ondoren, adierazpen hau oinarrizko akordiotzat joko da, datorren legegintzaldian garatzeko eta abiarazteko. Halaber, ahal bezain azkar hasiko dira adierazpenean jasotako lerro orokorrak diseinatzeko eta xehetasun handiagoz definitzeko lanak.

Vitoria-Gasteizen, 2016ko uztailaren 22an